

〔清〕

潘名熊

評珥今書屋醫略

歷代中醫珍本集成

自叙

兒姪輩從師羊城余慮其功課之餘風寒不慎飲食不節因訂外感春溫暑濕瀉痢瘧七症方與之庶免臨渴而掘井後據云服之多效卽館友亦有違此法而除病者余聞其驗遂繙閱自著舊方皆從平穩立法既無伏邪之患亦無傷元之憂始則欲便子姪繼則思並益同人因復增入頭心腰腹脇腳耳牙疝氣痿瘳諸痛小便大便衄吐諸血又消渴嘔吐噎膈反胃霍亂黃疸淋濁癰閉遺精欬嗽諸症大抵少年輩起居飲食不謹所致者共成三十三症此外證治雖尙多遺略但此中數症實人生所易患且又每見時醫悞治而世人受其害者不少是以不必求其全而思撮其要擬付梓人公諸同好俾不知醫者亦得自爲調理不致爲庸醫所悞凡初起輕恙按法服之諒易就痊至若久恙重恙又

不敢謂能盡奏效也番禺潘名熊蘭坪氏自序於西村之評琴書屋

凡例

一是書專爲不知醫者備臨時急用因加圈點以便或忙中檢閱證治僅從粗淺立論方藥亦從平穩立法

一書中列證祇就少年輩飲食起居不慎七情六氣易傷擬方商治故婦科小兒科與高年久恙諸證治一概不參入

一方下列應加藥味中有列至八九味之多者非謂必須盡數加入倫於所見症有相合不過加入兩三味耳蓋方內藥味或宜於因症加減不必盡照原方與分錢之數也

一凡醫家訂方選藥必須先求無過然後再求有功況此醫略爲未涉醫者巾箱便用選藥尤宜謹慎是以方立祇取平淡不尙神奇但因症加藥處又不

得不選入大辛熱大苦寒之品以防劇恙倘看書者能小心因症酌加諒亦調劑得當也

評琴書屋主人謹識

序

醫之道微矣四難未審二反遽施毫釐之差滋蔓彌甚自張仲景垂範援證立方本論闡於傷寒雜治編於金匱晰奇脈於針鼻轉瘳死於麥芒千祀以還咸資準的然而傳經中絡受病固殊辛熱苦寒施劑尤劇偶遇噫訕詎假烏頭作帝纔逢痲痞卽推覬母爲君斧伐或致傷元升提因之耗液欲登仁壽厥道無由此吾友潘君蘭坪所以有醫略之作也原夫風寒異中湯別桂麻表裏殊攻治歸經脈而濁從鼻入息祇透於膜原寒以陽舒氣或蒸爲內熱毫毛所中詎由關膈之經洒淅爲淫未入支蘭之藏君乃別傷爲感異熱於寒取冲淡以養和雜芳香而逐穢列柴胡於八陣方嗤景岳之粗釐暑熱於三焦全守河間之法復以濕蒸痞起痢重瀉澹辨嘔吐之實虛審制消於水火不貪汙下微判清

溫則以外感溫熱立法而濕癰瀉痢消渴嘔吐諸證附焉自是以還不脛而走
執簡問明堂之訣叩門求禁要之方君復刪掇外臺折衷診籍以爲戶樞不轉
則痛擾諸官主藏失調則血凌百脉不分部次何殊隔幕之覘未酌盈虛卒有
潰川之變况復鬱蒸成疾癰閉爲災州都無氣化之官水府窒司冥之令軒轅
失馭濁黃溢於龍門金火相刑虛白傷其虎穴爰分痛血逮夫濁淋辨燥濕於
疸遺別風邪於咳喘集方七十七首列證三十三門不須五診之能悉合六微
之旨洵可家藏箚篋人免稜氣矣或者謂扁鵲善醫隨俗爲變邯鄲貴婦爲帶
下醫維陽重老爲耳目痹醫咸陽愛小爲小兒醫君於諸條未遑舉例不知邪
淫客感病多中於少年春蠶秋犂易招於沴氣治惟先乎腠理患靡入於膏肓
若夫杖鄉稱耆度閣娛珍頤養當慎於重茵權輿詎資乎百草嬰童周睟亦傳
百問之篇婦女專科別立奇經之部無求泛濫庶便巾箱至於調和六鑿消息

三停仲氏覘毫長兄治色占无妄之有喜以不藥爲中醫此視人之調劑尤屬君之宏願也悉以殺青甫竟問道於盲爰以卮言弁諸卷首學慚好問敢汗李杲之書世有史遷待續倉公之傳同治四年四月同里李光廷序

附詩并各題贈

兒姪輩遵余所著醫略試之頗效因有學醫之志作詩曉之

小道仍難哉（兒姪曾言業儒之難）誰能信無過書亦充棟梁詎易萬卷破
無恒不可作良庸分勤怠醫良能濟人醫庸必賈禍證不疑似分藥味彼此安
候用同操刀敢信無因果知之惟最佳業之未必可學也祿在中醫豈富而胥
作歌曉爾曹儒術斯慰我

陳古樵明府（璞）云作者精於醫而戒其子不爲醫此真實本領絕大見
識慈悲心事其語不徒訓子可與世上一切學醫者讀之

荷花生日日適醫略著成偶得數韵遣興

荷香襲書書芬清仰屋而著初告成文字有緣遂余欲豕魚無訛命兒錄老來

文物倍關情願連疾苦爲之矜壽縱百年終有盡吾沒何術裨生靈偶然有得
著醫略酌古準今述不作將期拯厄亦扶元分遞水村與山郭家家養得無病
身皞皞共作太平民對花沉吟諷不倦彼蒼何時慰吾願

蔣湘漁上舍（灝）云仁者之心仁者之言願與衆生佛前焚香讚誦

黃銘石廣文（德華）云本平素之淨修垂普渡之寶筏如誦長阿合經使
彼諸天增益五福直合佛手仙心並傳不朽

張韞玉明經（仕輝）云先生工詩詩言其志先生明醫醫會其意錦囊青
囊不忍自秘總勒成書（先生另續刻評琴書屋吟草二卷故云）舉以問
世得公之詩將見愈愚傳公之醫猶能醒昧

崔壽如茂才（廷森）云蘭坪先生禪理深邃時於吟詠見性真所著醫略
一書不異金繩寶筏以之拯救衆生是能具大法力者

弟堯臣明府（亮功）云蘭坪大兄醫略一書證辨而方良慈航普渡其禪而醫乎復讀諸作一片慈悲心事情見乎詞大菩薩心腸善知識法施如是如是

醫略目錄

卷一

外感

春溫（附冬溫）

暑症（附案一）

濕症

泄瀉

痢症（附時行 傳染）

瘧症（附案二）

卷二

消渴

嘔吐（附噎膈 反胃）

疸症（附案二）

頭痛（附偏正頭風）

腹痛（附疝氣 霍亂

案一）心痛（附案一）

脇痛

腰痛

脚痛（附痿痺）

耳痛（附耳鳴 耳聾）

牙痛

卷三

淋症（附濁症 癰閉 案二） 遺精

大便血

小便血

衄血（齒衄鼻衄同治）

吐血（附案四）

欬咳（附案一）

附（寄馮友人脾胃論 古方 詩 題贈）

評琴書屋醫略卷一

番禺潘名熊蘭坪著

紹興裘慶元吉生校刊

外感症

卽傷風症稍貪風涼最易感受見症頭痛鼻塞或發熱咳嗽因時用藥治法較妥今卽春夏秋冬訂方列左

春日外感

經云春傷於風又云春傷於溫謂春日受風其氣已溫須防夾入春溫一症溫邪忌汗故也春主升夏主泄卽外感亦忌大發汗（春溫症見下脣口乾舌燥壯熱煩冤便是春溫的症當從下篇春溫法治）北杏仁一錢半 紫蘇梗一錢半 嫩竹葉四錢鮮取剪碎煎 建神麴一錢半 細甘草八分 梔子殼一錢半

加葱白四錢淡豆豉三錢同煎

頭痛加連翹鉤藤有痰而渴加鮮竹茹瓜蒌（皮仁任用）不渴加半夏芥子
咳加桔梗杷葉食滯加萊菔子麥芽曾食肥膩加山查實熱加芩連（梔殼改
用梔仁）夜熱加丹皮地骨偷氣虛中寒者獨用葱豉湯加黨參四五錢生薑
四五片煎服便合其黃耆神麴亦可酌加若氣血兩虛而見微寒微熱者用參
歸桂枝湯加陳皮煎（方卽桂枝湯加人參當歸）

夏日外感

夏傷於濕當佐以去濕夏易感暑常佐以清暑 北杏仁二三錢 川滑石三
四錢 青蒿梗二三錢 建神麴一二錢 甘草梢七八分 冬瓜皮四五錢
加鮮蓮葉三四錢葱一二條爲引

濕盛再加蒼朮或茵陳苓皮小便黃短加梔子木通另有見症當加藥與氣虛

中寒者當看前春日外感所列

秋日外感

秋傷於燥辛溫藥宜少用 北杏仁二三錢 神麴一二錢 杷葉二三錢

梨皮三四錢 甘草七八分

加鮮蓮葉三錢鮮紫蘇葉一錢爲引

發熱而咳加土桑白皮三四錢地骨皮三四錢燥渴加麥冬知母或鮮活水蘆根生粉葛肉（二物代茶亦佳）兼受秋暑氣加滑石冬瓜皮或乘露取鮮嫩竹葉 另有見症當加藥與氣虛中寒者仍看前春日外感所列

冬日外感

冬傷於寒且秋主收冬主藏用藥辛散些不妨但冬溫症非所宜耳（冬溫症見下春溫症註）南方風傷衛者多寒傷營者少如確傷寒自有仲景師傷寒

證治可考不復贅 北杏仁二三錢 神麩二三錢 蘇葉二三錢 防風一

二錢 甘草七八分

加生薑二三片葱一二條爲引

另有見症當加藥與氣虛中寒者仍看前春日外感所列

春溫症（冬溫同論症治）

冬傷於寒春必病溫蓋寒邪久伏已經化熱且入春感於少陽大旨以清涼爲主故古人用黃芩湯清心涼膈散誠以苦寒堅陰爲正治此症初起壯熱煩冤口乾舌燥必然并見最忌辛溫散藥却傷津液與尋常外感治法不同若外邪先受引動在裏伏熱必先用微辛涼以解新邪如蔥豉湯最爲捷徑表分肅清然後進苦寒以清裏熱此法時醫不講動用柴葛羌防發汗傷津以至譫語神昏（元神寄養於津液之中若津液傷則神失所養而昏）幻症百出終歸莫